

Na osnovu člana 7. stav 2. Zakona o budžetima u Federaciji BiH („Službene novine Federacije BiH“, broj: 102/13, 9/14 - Ispravka, 13/14, 8/15, 91/15 i 102/15) i člana 70. stav 1. tačka 6. Statuta Općine Vogošća („Službene novine Kantona Sarajevo“ broj: 27/14 - Prečišćeni tekst i 14/15), Općinsko vijeće Vogošća, na sjednici održanoj 31.03.2016. godine, donijelo je

O D L U K U
O IZMJENI I DOPUNI ODLUKE O IZVRŠAVANJU BUDŽETA OPĆINE VOGOŠĆA
ZA 2016. GODINU

Član 1.

U Odluci o izvršavanju Budžeta Općine Vogošća za 2016. godinu („Službene novine Kantona Sarajevo“, broj 2/16), u članu 12. iza stava 3., dodaje se novi stav 4. koji glasi:

“Izdaci za izradu elaborata troškova uređenja građevinskog zemljišta - isplaćivat će se po odobrenju Općinskog Načelnika, uz prijedlog nadležne Službe. Sredstva će se isplaćivati Zavodu za izgradnju Kantona Sarajevo u svrhu izračuna cijene koštanja troškova uređenja građevinskog zemljišta po 1 m² korisne površine objekata za područja za koja je donesena prostorno planska dokumentacija.

Član 2.

U članu 13. Odluke u stavu 3. iza alineje 1. dodaju se dvije nove alineje 2. i 3 koje glase:

“ - Pomoć ugroženom stanovništvu za otklanjanje šteta uzrokovanih elementarnom nepogodom - aktiviranjem klizišta, isplaćivat će se u skladu sa Odlukom štaba CZ Općine Vogošća, uz odobrenje Općinskog načelnika, a troškovi sa ove pozicije će obuhvatiti sredstva za sufinansiranje kupovine stambenih jedinica za iseljene građane zbog uticaja klizišta, sufinansiranje u izgradnji stambenih jedinica za lica kojima se grade stambene jedinice i finansiranje izgradnje gospodarskog objekta” i

“ - Troškovi izrade stručnih nalaza o stanju objekata uništenih ili oštećenih aktiviranjem klizišta i mašinsko uklanjanje sa sortiranjem, isplaćivat će se na prijedlog nadležne Službe po odobrenju Općinskog načelnika, a isti će obuhvatiti izradu stručnog geološkog nalaza o stanju objekata sa aspekta zone uticaja klizišta na predmetne objekte, geološke strukture tla, stepen kretanja tla, sigurnost i rizik objekata za korištenje sa aspekta geoloških prilika, procjenu budućeg napredovanja klizišta i eventualni uticaj na objekte, te procjenu jedne od mogućih mjera o potpunoj sanaciji prostora (rasterećenje padine uklanjanjem objekata i neriješene infrastrukture oko objekata), te sa građevinskog aspekta, procjenu vrijednosti objekata, njihovu upotrebljivost, statiku, mogućnost korištenja objekata u svrhu stalnog boravka, te utvrđivanje mogućnosti iskorištavanja materijala od predmetnih objekata za dalju upotrebu na drugoj lokaciji radi ekonomske iskoristivosti materijala, te eventualno u slučajevima neupotrebljivost stambenih jedinica, odnosno da se određene stambene jedinice trebaju ukloniti, angažovanje građevinske operative koja će izvršiti rušenje i uklanjanje sa sortiranjem iskoristivog materijala i zatravljanje lokacije“.

Dosadašnja alineja 2. postaje alineja 4.

Član 3.

Ova Odluka stupa na snagu narednog dana od dana objavljivanja u “Službenim novinama Kantona Sarajevo”, a primjenjuje se za fiskalnu 2016. godinu.

Broj:01-02-728/16
Vogošća,31.03.2016. godine

